

佛本行集經卷第五十五

藉五

隋天竺三藏法師闍那崛多譯

優波離因緣品下

周忠

汝等比丘若有心疑彼時童子剃髮師者莫作異想即優波離比丘是也然優波離昔於尊者辟支佛邊剃鬚髮已乞如是願願我生生世世之中若得人身恒常生在剃髮師家復於彼時更乞願言願我莫生惡道之中由彼發願果報力故不生惡道從今已來流轉天人多受快樂現得已利復作是願願我當於未來世時恒常值遇如是教師或勝此者若彼教師所說之法願我速證即得知解由斯業報今得值我以為教師即得出家受具足戒證羅漢果亦復在於迦葉如來法教之中作如是願願我於彼未來世中值遇釋迦牟尼如來莫背彼法隨順出家若得出家於彼持律諸弟子中我最第一藉彼業報今我法中而得出家乃至持律諸弟子中最為第一

一汝諸比丘彼優波離於過去世作如是業今得報生剃髮師家復以造彼願業因緣現今得報於我法中如是出家及受具戒證羅漢果我今又復授彼記言於我持律弟子之中最為第一

佛本行集經羅睺羅因緣品第五十六上

又於一時輸頭檀王白佛言世尊願佛及僧受我明朝所設飲食于時世尊嘿然而許輸頭檀王既見世尊嘿然許已從坐而起頂禮佛足圍遶三匝辭退而去至本宮已即於彼夜辦具微妙多種飲食所謂飴食噉食啜食味食辦具已訖過夜至朝灑掃鋪設即遣使人白世尊言今已時至飲食備辦唯願降赴尔時世尊日在東方著衣持鉢諸比丘僧左右圍遶佛為導首來至輸頭檀王宮內到已坐於所設佛座諸比丘僧各各依次如法而坐尔時輸頭檀王以佛為首諸比丘僧次第坐已自手行諸微妙飲食盡其種數乃至啜

味悉令充飽稱意自恣既見佛僧飲食飽已  
洗浴鉢器將置別處一小座上却在二面既  
安坐已輸頭檀王而白佛言唯願世尊教誨  
於我又願世尊善逝示現今我長夜常得利  
益安樂之事

尔時世尊告輸頭檀王作如是言大王今日若

稽集五十五

二

知時者應須捨此聽法之事亦復不須數來  
問訊諸比丘等王身不久應自得其最勝妙  
果於時世尊方便教化輸頭檀王說法顯示  
令其解悟令歡喜已從座而起還於本處  
輸頭檀王又於一時因舍利弗得法眼淨兼  
得證於須陀洹果而淨飯王已得諸法已證

諸法已入諸法已度諸疑心無有惑已得無  
畏更不復問自餘法行悉證知已詣向佛所  
而白佛言善哉世尊唯願度我出家入道受  
具足戒

尔時世尊作如是念輸頭檀王於此教中捨  
家出家復更能證勝上法不

尔時世尊思惟是已自證知此輸頭檀王決  
定不合捨家出家亦不得證勝上之法如是  
知已而告之言大王今日若知時者但在本  
家行檀布施造福業耳

至於後日摩訶波闍波提大夫人請佛及僧  
供給飲食悉令飽滿至第三日第一宮內諸

妃眷屬又復請佛及比丘僧供給銷饌亦悉  
充足至第四日其第二宮又復請佛及比丘  
僧供奉種種百味銷饌亦悉充足

其羅睺羅如來出家六年已後始出母胎如  
來還其父家之日其羅睺羅年始六歲

尔時如來至迦毗羅婆蘇都城羅睺羅母作

稽集五十五

三

如是念我昔因此羅睺羅故為諸眷屬之所  
誹謗今日時至我於彼事應自清淨以明其  
身以是因緣必須請佛及比丘僧布施飲食  
及請一切諸眷屬等以自明白耶輸陀羅作  
是念已於其彼夜辦具種種微妙飲食既備  
辦已過於彼夜即遣使人往白佛言所設飲

食辦具已訖世尊知時兼告一切諸眷屬等  
悉令聚集來赴所請

尔時世尊於晨朝時日在東方著衣持鉢與  
諸比丘左右圍遶佛為導首與大比丘一千  
二百五十人俱詣向王宮如所鋪座次第而坐  
尔時羅睺羅母別作一枚大歡喜丸喚羅睺

羅內著手裏作如是言汝羅睺羅往至比丘  
僧眾之內是汝父者施歡喜丸羅睺羅母復  
告一切諸眷屬言是羅睺羅今當覓父時羅  
睺羅持歡喜丸遍觀一切諸比丘已直往佛  
邊而白佛言如是沙門陰涼快哉如是沙門  
陰涼快哉

尔時輸頭檀王白佛言世尊此事云何耶輸  
陀羅頗有如此過患以不

尔時世尊告輸頭檀王作如是言大王今者  
莫作是疑耶輸陀羅無此過患其羅睺羅真  
我之子但是往昔業緣所逼在胎六年  
尔時輸頭檀王及諸眷屬聞佛此語皆悉歡

喜踊躍遍身不能自勝各各以手持諸種種  
飲食餽饍供佛及僧令得充足自恣飽已佛  
及大眾洗鉢澡手各持小座遶佛左右却坐  
一面

尔時輸頭檀王以敬佛故不能廣問如上因  
緣而白眾中諸比丘言願諸師等請問世尊

其羅睺羅及耶輸陀羅往昔造業因緣之事  
尔時諸比丘即白佛言是羅睺羅往昔造作  
何業因緣以何業報處胎六歲耶輸陀羅復  
作何業懷孕六年

尔時佛告諸比丘言我念往昔過無量世時  
有一王婆羅門種名曰人天生其二子大者

集五十五

四

名曰次者名月其大王子恒不樂世願欲出  
家經未多時其王人天筭盡命終命終之後  
其子日月互相推讓其長子言汝當為王治  
國政事其第二子復語彼言汝當為王治國  
政事

其日王子告月王子復作是言汝必為王我

當捨家而出家也

時月王子復白彼兄作如是言汝既長大王位當汝我不合受

其日王子復告其弟月王子言凡受王位先作何法其月王子復報彼言先班号令

其日王子復問彼言世若有人違号令者當

合何罪其月王子復報彼言必須重罰罪之

重者其日王子復語其弟月王子言依其道理我合得王我今但捨王位付汝汝當作王我欲捨家而出家也

時日王子以其王位付月王子遂即捨家出家修道其日王子所有眷屬皆隨出家

時日仙人作如是念此等諸人依我出家我今既與此輩為師當須勤學求於道業以勝於彼作是念已因發誓言願我此身從今已後若非他施不得自取乃至一物水及楊枝介時仙人至於一時忘失本念他不施與藥草根等及以諸菓而自取食又時夜渴見他

釋 集五十五

五

澡盥謂言自許遂取而飲而自澡盥在於一邊時彼仙人本澡盥主見自澡盥空無有水而問之言是誰取我澡盥中水此乃是賊住居之處本非仙人所居地也時彼仙人取水飲者見自澡盥水滿其中在於一邊遂報彼言我不知故取汝水飲謂言我許而彼仙人告彼飲水日仙人言汝若飲者善哉快哉

介時錯誤飲水仙人正自思念我已違失昔日誓言為不善也此非仙法我今云何不與不受諸藥草根及菓子等而自食之復取他水而自飲也以此因緣悵快不樂心生憂惱存坐地上思惟正念憂愁此事

介時弟子摩那婆輩便即詣向日仙人所頂禮其足如法承事而彼仙人告彼弟子摩那婆言汝等童子從今已後莫頂禮我何以故我於今日已成賊也彼諸童子即問王仙作如是言優波陀事云何也

時日王仙便報彼等摩那婆言汝等童子今



須知我不從他邊受得藥草根及菓等復取他水而自飲之作是語已彼等童子尋復白彼日王仙言師於今者莫作是語所食飲者一切皆是優波陀物時日王仙復語彼等摩那婆言汝等知我不從他得而自取不然我今者不從他得草藥根菓及澡盥水而自取飲我已成賊是故汝等當罰我罪如治賊者等莫有異時諸童子咸白彼仙我不敢決優波陀罪優波陀弟今者作王現領此境如法治化至於彼邊必能治罰優波陀也

尔時王仙詣月王所於時月王既聞此事知其日王欲來其邊即辦四兵出迎城外日王到已頂禮其足時日王仙止月王言莫禮我足所以者何我今是賊大王必須治罰我罪如賊莫異

尔時彼王即問其兄日仙人言聖者今日作何賊也彼時仙人報日王言大王當知我在空閑清靜樹林修道之時不從他得藥草根

精 集五十五

六

菓并取他水而自飲也

尔時彼王聞此語已煩冤懊惱嗚噎悲啼涕淚滿面作是思惟如此仙人功德本行自來清淨無有過患云何今日可罪罰也作是念已報王仙言我許諸仙取諸菓子及藥草根乃至水等自食自飲是故仙人所食之者皆是已物大仙非賊亦不可罰

時日王仙告月王言大王今日始許斯事非昔日也王復白言我昔初承王位之時即有此語我施沙門及婆羅門草木及水隨意用食是故大仙實非賊耳我於今者云何罰罪而彼王仙復告王言善哉大王我今已造不善之事自念不能消此過罪我既取他澡盥水飲是故大王須治罰我如賊無二

尔時月王有一外甥在彼眾會而彼外甥白月王言大王但與此仙決罪勿令此仙煩冤懊惱尔時月王白彼仙言事若尔者入在我苑止住修道

尔時月王令此仙人入其苑已尋即廢志不復更憶至於六日然後始念喚諸臣佐諸卿等輩彼仙在苑出去已未尔時諸臣白月王言彼之仙人猶未出苑仍在園內

尔時月王放赦天下一切囚繫乃至飛走諸禽獸等別喚彼仙布施種種甘美飲食而白

續集五十五

七

之言惟願大仙隨意而去放已月王心懷不樂我於此仙已有罪過因此仙人必得罪失尔時佛告諸比丘言若有心疑於時王仙号名日者此是誰也莫作異見我身是也汝等比丘若有心疑當於彼時王名月者此是誰也莫作異見即羅睺羅是其人也為其將彼

仙人入苑住六日故因彼業報住於生死煩惱之中無量受苦因其餘業復在母胎止住六歲

汝諸比丘我念往昔過無量世有一群牛在於牧所其牛主妻自將一女往至牛群擊取乳酪所將二器並皆盈滿其器大者遣女而

負其器小者身自擔提至其中路語其女言汝速疾行此間路嶮有可怖畏

尔時彼女語其母言此器大重我今云何可得速疾其母如是再語三語汝速疾行今此路中大有恐怖

尔時彼女而作是念云何遣我負最大器更復催促遣令急行其女因此便生瞋恚而白母言母可且兼將此乳器我今暫欲大小便耳而彼女母取此大器負擔行已其女於後徐徐緩行尔時彼母兼負重擔遂即行至六拘盧舍

尔時佛告諸比丘言汝等若有心疑彼女有瞋恚心乃遣其母負重行六拘盧舍者莫作異見耶輸陀羅釋女是也既於彼時遣母負重行其道路六拘盧舍由彼業報在於生死煩惱之內受無量苦以彼殘業今於此生懷胎六歲

諸比丘所有諸業非是虛受隨造善惡還自

受之是故汝等諸比丘輩恒須捨此身口意惡何以故作身口意善惡因緣汝諸比丘現見如是善惡果報汝等比丘應當如是修學善業

尔時世尊與淨飯王及彼大眾說微妙法使令歡喜顯示宣通教化訖已從座而起還於

稽集五十五

本處

尔時羅睺羅母遣羅睺羅往向父邊乞取父封時羅睺羅隨佛而行且行且語作如是言唯願沙門與我封邑唯願沙門與我封邑尔時世尊自授手指與羅睺羅時羅睺羅執佛指已傍佛而行

尔時世尊將羅睺羅至於靜林遙喚長老舍利弗言汝舍利弗將羅睺羅令其出家時舍利弗而白佛言如世尊教承佛教已度羅睺羅而出家也

尔時世尊為諸比丘制禁戒時其羅睺羅甚大歡喜遂受禁戒如法奉行所以者何教法

應尔其舍利弗依佛教戒攝受教示當尔之時有善男子皆悉獲得正信正見何以故並欲出家求無上道諸梵行故利益現自證見法故自證知已口自唱言諸漏已盡梵行已立所作已辦不受後有其羅睺羅亦復如是自證其心得正解脫世尊即記告諸比丘當

知我之聲聞弟子持戒之中其羅睺羅最為

第一 此摩訶僧祇師作如是說

其迦葉維復有別說當尔之時輸頭檀王辦諸食已即喚宮內諸眷屬等勅告之言汝等今者勿令一人示羅睺羅言悉達多是汝之父何以故恐羅睺羅聞已即隨其父出家時

稽集五十五

九

淨飯王於其彼夜備辦種種甘美飲食食敢啖味辦具已訖過彼夜分始晨朝時鋪設諸座將羅睺羅及諸侍從童男童女左右圍遶並遣將入阿輸迦林然後發使往白佛言食時已至飲食已辦願尊知時

尔時世尊日在東方著衣持鉢諸比丘僧左

右圍遶在前而行相隨往詣輸頭王宮到已即於先所鋪座次第而坐

持羅睺羅見彼童男及童女等各各亂行漫遊漫戲而諸乳母亦不遮斷共相戲笑遂私便從阿輸迦林漸入王宮往見世尊及比丘衆見已頂禮禮已即便昇樓閣上當於彼時

羅睺羅母先在樓閣觀見世尊剃頭鬚髮身著袈裟見已悲泣而有偈說

大王釋子新婦者 其名号曰輸陀羅

見夫如是出家相 心懷悲泣自懊惱

時羅睺羅問其母言聖者何故悲啼如此其母報子羅睺羅言身體金色在沙門衆即是

汝父時羅睺羅復白母言如是聖者我生已來未曾憶念有如是等快樂之事作是語已從樓閣上速疾而下詣向佛所入佛衣裏隱藏而住時諸比丘即欲遮斷佛告之言汝諸比丘莫復遮斷但令入我衣內而住  
尔時輸頭檀王見佛及僧次第而坐自手奉

過種種清淨甘美餽膳所謂食嗽啜等食悉令飽滿自恣充足尔時世尊飯食已訖洗鉢澡手將一小座却坐一面即為父王而作願言

祭祀火為最 諸偈歎為最 人中王為最 諸流海為最 星宿月為最 諸明日為最

上下及四方 及於衆生輩 若天若人者 諸佛是為最

尔時世尊為淨飯王以此偈句呪願已訖即從坐起隨緣而去

尔時輸頭檀王於後檢校事務東西行時其羅睺羅已逐世尊出於宫外既出宮已還欲

釋集五十五

十

來入於時世尊自授手指與羅睺羅令其執捉時羅睺羅其身上分安隱快樂譬如以繩繫諸鳥足更不復離如是依附著世尊已即將往至尼拘陀林  
尔時世尊告羅睺羅作如是言汝羅睺羅汝能隨我出家以不時羅睺羅而報佛言我實



如是能出家也

尔時世尊告諸比丘作如是言汝諸比丘我於今者令羅睺羅捨家出家遣舍利弗以為和尚

尔時諸比丘作如是念世尊昔日曾告我等作如是言若有年歲不滿二十不得為受具足禁戒而羅睺羅今始十五我等為當依佛昔教為當更復別有所以作是念時即將前事具白世尊

尔時佛告諸比丘言汝諸比丘當知十五而出家者可為沙彌時諸比丘蒙佛教已即令出家請舍利弗以為和尚

尔時輪頭檀王發遣世尊及比丘僧諸眷屬等然後方自欲坐食時而作是言汝等當喚羅睺羅來與我共食

尔時左右處處求覓了不能得還至王所俱白王言大王我今求羅睺羅莫知所在

尔時輪頭檀王復告之言汝等往至阿輸迦

釋集五十五

七

林及諸宮內處處求覓時彼左右復即往至阿輸迦林及諸宮內求亦不得來告王言往至彼處求亦不見

尔時輪頭檀王復告之言速往至於尼拘陀園或非世尊將令出家如是去也

尔時左右聞王此勅速即至彼尼拘陀園處處求覓見羅睺羅已為世尊遣令出家見已還宮而白王言大王當知其羅睺羅已被世尊放令出家王聞是已迷悶躄地經於少時還得惺悟從城出至尼拘陀林到於佛所頂禮佛足却坐一面而白佛言世尊往昔在家之日諸解相師婆羅門等已曾授記若其在

家必當得作轉輪聖王世尊今已捨家出家我見世尊出家之後作是思惟欲以王位付與難陀世尊於後復令出家彼既出家我復思惟令阿難陀紹其王位復為世尊已放出家彼出家後我復作念當欲令彼阿尼樓陀紹其王位復為世尊放令出家彼出家後我

復作念婆提唎迦紹其王位世尊亦復放令  
出家今者望欲留羅睺羅擬付王位復爲世  
尊將出家也世尊如是將羅睺羅出家之後  
豈不斷我王種姓耳

復次世尊雖復如此兼戀子情穿徹皮肉筋  
骨及髓是故世尊從今日後作如是教制諸  
比丘有出家者令諸父母許出家已然後乃放  
令時佛告輸頭檀王如大王意我不違也我  
必當教作如是事作是語已令時世尊向淨  
飯王說諸法義顯示教化令王欣悅加其威  
力復令歡喜

令時輸頭檀王既歡喜已從坐而起頂禮佛

足遶佛三匝辭退而去還其宮內

令時世尊以此因緣集比丘僧而告之言汝  
等比丘當知兒子於其父母報恩最難所以  
者何然其父母難作能作顯示世間長育諸  
陰故令乳哺養成身體是故汝等諸比丘輩  
從今已去若善男子善女人等求出家者先

釋集五十五

十一

須令彼諮其父母然後乃聽若不許可放出  
家者須如法治我今日後立如是制凡人來  
投請出家者先須問言汝之父母生存以不  
彼人若報云我父母現今生在方更問言後  
當聽汝出家以不

然其五師或有異說作如是言其羅睺羅生  
二年後菩薩令時方始出家苦行六年然後  
成道成道七歲方始來向迦毗羅城如是次  
第數羅睺羅出家之日正年十五

或有諸師作如是說波闍波提見其菩薩捨  
家出家爲此因緣憂愁懊惱啼哭之時眼壞  
失明然佛世尊已證阿耨多羅三藐三菩提  
過十二年然後方還迦毗羅城欲於眷屬現  
憐愍故

令時輸頭檀王及諸宮內一切眷屬左右圍  
遶王爲導首在前而行

令時復有同姓種族合有九萬九千人俱同  
來見佛其摩訶波闍波提憍曇彌同在彼衆

往詣佛所為看其子羅睺羅故

尔時如來現雙神變尔時摩訶波闍波提憍曇彌既聞他說今我之子顯現神通所謂於身下分放其炎火於身上分出其冷水如是聞已歡喜踊躍遍滿其體不能自勝往詣佛所到佛所已為敬佛故取其佛身所流之水

集五十五

十三

自灑已身及以洗面

尔時世尊為令摩訶波闍波提起於慈悲徧滿其體受其快樂其所壞眼尋得清淨勝於本時尔時摩訶波闍波提即於佛邊更增信敬時諸比丘又白佛言希有世尊云何今此摩訶波闍波提憍曇彌為世尊故憂愁啼泣失壞其目復因世尊還得清淨

尔時佛告諸比丘僧作如是言汝諸比丘其摩訶波闍波提憍曇彌非但今日為我作是憂愁啼哭失壞此眼還復因我而得清淨過去之世亦曾為我憂愁啼哭失壞其眼復還因我眼得清明

尔時諸比丘白佛言世尊此事去何願為說之

佛本行集經卷第五十五

藉五

嚙 吾結反或 啞 音 啖 音 朝 訖 訊 音 信 孕 余 證 竺 字 菁 澡 盥 貫 下 音 鳴 噎 於 結 反 下 牧 音 徐 緩 下 規 漫 莫 牛 惺 悟 井 反 諸 陰 禁 反 於 乳 哺 正 下 音 步 反

佛本行集經卷第五十六

藉

隋天竺三藏法師 闍那崛多譯

羅睺羅品下

尔時佛告諸比丘言汝諸比丘我念往昔過去久遠在迦尸國於彼聚落近有一山名鬱蒸伽其山南面有一園林其園雜樹數過十

一

萬花菓茂盛枝葉扶疎遙遠瞻望如青雲隊於其園內處處皆有蓮花池沼其數衆多莊嚴園林其林高大空閑寂靜或有師說鬱蒸伽山近波羅奈城尔時彼山有諸群象其象群內有一象母生育一子形體端正觀者無厭然彼象子其身潔白六牙備足其頭純黑如因陀羅瞿波鳥